

300. Missa ut in die obitus, præsente corpore ultra Missam de communi defunctorum, celebranda erit, quando aliquis obierit in die Commemorationis omnium fidelium defunctorum, S. R. C. 14 Aprilis 1646, in *Ulyssiponen*. Vide num. 220 et 441.

301. Aspersorium aquæ benedictæ episcopo in ecclesiam religiosorum ingredienti, est porrigendum per digniorem illius monasterii, non autem per aliquem ex canonicis episcopum associantibus, S. R. C. 14 Junii 1646, in *una civitatis Castellii*. Imo et cardinali etiam legato. Vide num. 71.

302. Archidiacono, primæ dignitati, et Prototario apostolico, dum inseruit episcopo in functionibus publicis, non licet portare rocchetum, cum impluvia, seu habitum prælatium, sed debet uti habitu canonicali, S. R. C. 17 Novemb. 1646, in *Nicoteren*. Non videtur negari subtana violacea tantum. Vide num. 419.

303. Dignitates et canonici, a digniori latere chori sedentes, prius thurificandi sunt, et postea dignitates et canonici, qui sedent a latere chori minus digno, S. R. C. 5 Septemb. 1648, in *Beneventana*. Thurificandi sunt, duplici, an unico ductu thuribali. Vide num. 70.

304. Dignitates et canonici, qui assistunt episcopo, locum assistentiæ cedere debent supervenienti dignitati, seu canonico digniori, quibus convenit assistere, S. R. C. 5 Septemb. 1648, in *Beneventana*. Loquitur, cum paramentis non sint induti. Vide num. 402.

305. Sanctissimum Eucharistiæ Sacramentum, quod inter Vesperarum divina, peculiari custoditur sacello, thurificari debet, S. R. C. 5 Septemb. 1648, in *Beneventana*. Thurificari debet. Fallit autem, cum Sacramentum in choro erit publice expositum. Vide num. 1227.

306. In Missa conventuali, quando decantatur evangelium, cetero ferarii cum cereis accessis assistere debent, et diaconus quoties thurificatur altare, incensum ministrare tenetur, S. R. C. 5 Septemb. 1648, in *Beneventana*: Cum cereis accessis. Excipiuntur sabbata Paschatis, et Pentecostes, ad quorum Missas cetero ferarii, evangelii tempore, hinc inde stare debent manibus junctis, ita et in postrema Passionis parte, quæ pro Evangelio habetur, infra hebdomadam majorem, et in omnibus Missis defunctorum, *Miss. Rub. prop. et de Missis defunct.*

307. In canone omnino facienda est commemoratio de episcopo, etiam ab exemptis, S. R. C. 25 Septemb. 1649, in *Tornacen*: De episcopo; non vero de alio, licet sit superior, vel vicarius capitularis, Sede vacante, vel etiam episcopus administrator, sive metropolitanus; episcopus vero administrator simul et possessor, licet sacris destitutus ordinibus, in canone est nominandus. Vide num. 908 et 1158.

308. Non licet in altari privilegiato dicere Missam de *Requiem* in diebus, quibus occurrit festum primæ, vel secundæ classis, non obstante consuetudine immemorabili, S. R. C. 25 Septemb. 1649, in *Tornacen*. Intellige de Missis solemnibus; nam privatæ neque in duplicibus minoribus etiam translatis, nec in feriis privilegiatis celebrari possunt. Quando vero cantari possit Missa defunc. præsente corpore, consule num. 75.

309. Aspersio die Dominico semper facienda est a celebrante, etiam quando superior celebrat, S. R. C. 16 Novemb. 1649, in *Januen*. Episcopus pontificaliter celebrans non comprehenditur: tunc enim neque ipse per se, neque per alium aqua laustrali populum aspergit; *Cærem. episc. lib. II, cap. 31, num. 4.*

310. Sabbato Passionis debent velari imagines, et cruce, etiamsi occurrat eo die festum titularis, vel patroni Ecclesiæ, S. R. C. 16 Novemb. 1649,

in *Januen*. Sabbato Passionis, ad primas Vesperas Dominicæ antequam officium inchoetur, *Cærem. episc. lib. II, cap. 20, vers. 5.* Vide num. seq. et 454.

311. Imagines, et cruce detegi non debent, etiamsi in hebdomada Passionis occurrat festum Sancti titularis, aut dedicationis Ecclesiæ; S. R. C. 16 Novemb. 1649, in *Januen*. Vide num. seq. et *antec.* Velari imagines et cruce Domini nostri Jesu Christi, etiam per ecclesiam; et super altare nullæ ponantur imagines sanctorum, *Cærem. episc. lib. II, cap. 20, vers. 2.* Vide num. *ant. et seq.*

312. Quo velo cooperienda sit crux in altari ad functionem lotionis pedum in feria v majoris hebdomadæ, et crux processionis, cum sacerdos indutus sit violaceo, et diaconus colore albo, et actus ipse lotionis, sive mandatum præcipiatur a rubricis fieri cum floribus, et signis lætitiæ, et videatur participare de festivitate Missæ celebratæ in mane cum cruce velata albo colore, et ex alia parte sit actus humilitatis, S. R. C. respondit, colorem non esse mutandum, *Ead. S. R. C. 16 Novemb. 1649, in Januen*: Colorem non esse mutandum. In altari videlicet retinendum velum albi coloris, ut in decreto exponitur, in processione vero coloris violacei, ut in mane adhibuit fuit, *Cærem. episc. lib. II, cap. 25, num. 10.*

313. Pyxis, ostensorium, et corporalia, quæ immediate inserviunt SS. Sacramento, debent benedici juxta formam, quæ habetur in Missali propria, S. R. C. 16 Novemb. 1649, in *Januen*.

314. Quando SS. Eucharistiæ Sacramentum publice discooperum exponitur, omnes ante illud transeuntes, cujuscunque conditionis, et ordinis sint, seu ad illud accedentes, seu ab eodem recedentes, semper utroque genua flexere debent, S. R. C. 19 August. 1651, in *una Urbis*: Publice discooperum: Intellige etiam inclusum in pyxide, vel etiam velatum. Vide num. 1125. Quoad sacerdotem Missam celebraturum. Vide num. 278 et 1290.

315. Quando Missa canitur sine ministris, non debet thurificari neque altare, neque chorus, S. R. C. 19 Aug. 1651, in *una Urbis*. Vide num. 85.

316. Missa votiva de beata Maria Virgine, in vigilia Pentecostes non potest dici, S. R. C. 19 Aug. 1651, in *una Urbis*.

317. Missæ duæ ejusdem sancti immediate una post aliam, non debent cantari eadem die in ecclesia, in qua celebratur ejus festivitas, S. R. C. 3 Aug. 1652, in *Milevitana*: Non debent cantari, nisi forte pro aliqua fundatione adimplenda, et interposita hora canonica. Vide num. 1275.

318. Missa non potest celebrari cum cæsarie ficta: S. R. C. 5 Aug. 1652, in *Melevitana*: Cum cæsarie ficta; Nullus enim episcopus, presbyter, diaconus ad solemnia Missarum celebranda præsumat cum baculo introire, aut velato capite altari assistere; *Can. Nullus, de consecr. dist. 1.*

319. Tam Sæculares, quam Regulares cujuscunque instituti, etiam Societatis Jesu, non possunt excedere limites indultorum Sedis Apostolicæ super Beatificationibus; præsertim in celebratione Missarum, et officiis cum octavis, nisi hoc expresse Sedes Apostolica eis indulserit, S. R. C. 5 Octobris 1652, approbante *Innoc. X, die 16 Decemb. ejusdem anni.* Vide num. 592 seqq.

320. Regulares, etiam Societatis Jesu, in Missis solemnibus debent diaconum, et subdiaconum, et in Vesperis sacerdotem pluviali indutum habere, ac in reliquis omnibus tenentur exacte observare Rituale, Cæremoniales, et Rubricas Missalis Romani, S. R. C. 5 Octobris 1652, confirmante *Innoc. X, 16 Decemb. ejusdem anni.* Quoad pluviale in Vesperis. Vide num. 78.

321. Aspersorium aquæ benedictæ episcopo debet porrigi per digniorem de capitulo cathedralis, quando capitulariter, et cum indumentis canonicalibus

proceditur ad Ecclesias quascunque diocesis, S. R. C. 18 Januar. 1655, in *Lauden*: Ecclesias quascunque: intellige, quæ non habeant rectorem beneficiatum, vel non sint Regularium, S. R. C. num. 17.

322. Missa in feria v majoris hebdomadæ non potest celebrari in oratoriis confraternitatum, et privatis, S. R. C. 1655, in *Florentina*: In oratoriis Confraternitatum: nisi solemnitas unica, si asservetur SS. Sacramentum. Vide num. 354. De privata vero habes exemplum num. 896.

323. Reliquiæ sanctorum existentes sub custodia capituli, in processionibus deferendæ sunt per canonicum facientem hebdomadam; in casu vero, quo requirantur quatuor unitim, deferendæ sunt a canonicis non paratis, S. R. C. 22 Mart. 1655, in *Lucana Comajoris*.

324. Quando aliqua ecclesia sæcularis vel regularis ob aliquod impedimentum est substituta pro cathedrali, et episcopus interest cum cappa in concionibus, tenentur canonici cathedralis assistere cum habitu canonicali, S. R. C. 22 Mart. 1655, in *Callien*.

325. Ad canonicum hebdomadarium in Matutinis et Vesperis spectat primam antiphonam intonare, initia hyunorum, antiphonas ad *Benedictus* et *Magnificat*; capellani vero tenentur eidem facere præintonationem, dum est paratus, S. R. C. 5 Jul. 1655, in *Lucana*: Primam antiphonam: etiam in Laudibus: *Cærem. episc. lib. II, cap. 6, num. 16.* Capellani tenentur: quo ritu et tempore. Vide num. 61.

326. Missa de Dominica, seu de festo duplici, si illa die occurrat, debet dici, cum commemoratione SS. Sacramenti; ad formam rubricarum Missalis, quando fit particularis processio cum SS. sacramento, in aliquibus Dominicis, seu aliis diebus ejusmodi mensis, S. R. C. 6 Decemb. 1655, in *Fanen*: Ad formam rubricarum Missalis, scilicet post omnes alias ordinarias collectas de præcepto iis diebus occurrentes, sed sub unica conclusione. Vide num. 1010.

327. Stante alternatione in terra Montecchii diocesis Burgi S. Sepulcri super delatione simulacri S. Antonii de Padua in processione, respectu habitus capuccinorum, cum quo efficienda est: *sac. Rit. congregat. ad quem negotium deductum est, respondit, habitum hujusmodi non esse vitium in casu de quo agitur, et ideo arbitrio episcopi, Ead. sac. Rit. congregat. 18 Jul. 1654, in una ordinis Capuccinorum Montecchii provincie Marchie, et 17 Junii 1675, in Benevent.* Habetur in Archivo Ord. arm. cum subscriptione Francisci Mariæ Phæbei S. R. C. secretarii. Vide num. 469.

328. Missæ exsequiales defunctorum in die depositionis defuncti possunt solemniter celebrari diebus, in quibus cadit festum duplex alicujus sancti, dummodo festum non sit de præcepto, juxta Rubricas Brev. Rom. S. R. C. 19 Septemb. 1654, in *Papian*. Loquitur, corpore præsente in ecclesia, pro quo unica Missa solemnitas conceditur in festo duplici etiam majori, nisi sit de præcepto. Vide num. 75 et 601.

329. Absolutio solemnitas cum assistentia quatuor dignitatum, vel canonicorum ultra celebrantem in anniversario alicujus episcopi, non debet fieri, quia obstat Rubricæ Pontificalis Romani, S. R. C. 14 Novemb. 1655, in *Recinaten*: Obstat rubricæ Pontificalis Romani; statuitur enim hæc absolutio fieri tantum in primis exsequiis, quæ fieri solent post obitum alicujus Summi Pontificis, S. R. E. cardinalis, metropolitani, aut episcopi proprii, seu imperatoris, regis, vel ducis magni, aut domini loci, nunquam vero in anniversariis, *Pontif. Rom. part. III, cap. de Officio solemnii post Missam pro Def. et Cærem. episc. lib. II, cap. 11.*

330. Antiphona in choro cathedrali postquam

primo loco data fuerit celebranti a cornu epistolæ, danda est secundo loco primæ dignitati, sive a cornu evangelii, sive a cornu epistolæ existenti, et sive interveniat, sive non, prima dignitas, quæ sedet a dicta parte evangelii, non obstante allegata consuetudine, S. R. C. 21 Martii 1655, in *Senogallien*: Antiphona: quo ritu præintonanda? Vide num. 61.

331. Assistentia episcopo in Missis pontificalibus, ministratio aspersorii episcopo in ingressu ad ecclesiam, cantare Missam in diebus solemnioribus, nec non peragere solemnitas Missarum, et delatio SS. Sacramenti, absque episcopo, in solemnitate Corporis Christi spectant ad primam dignitatem, et successive ad alias dignitates, vel ad seniorem canonicum, non autem ad vicarium generalem, S. R. C. 29 Maii 1655, in *Pacten*. Vide n. 101.

332. Ubi adest sodalitas SS. Sacramenti, competit ei præcedentia super alias confraternitates in omnibus processionibus, in quibus defertur SS. Sacramentum, S. R. C. 19 Jun. 1655, in *Mediolanen*. 20 Sept. 1687, in *Vercellen. et antea 12 Julii 1628, ia Lauden*.

333. Archiepiscopo uti archiepiscopo, majoritate gradus, competit præcedentia supra episcopum præsentem in civitate metropolitana et diocesi, S. R. C. 29 Jan. 1656, in *Pragen*: Præcedentia supra episcopum. Loquitur de proprio archiepiscopo: Præsente enim, seu adveniente suo metropolitano, cessabit episcopus a benedictionibus privatis. *Cærem. episc. lib. I, cap. 4, num. 4.* Vide n. seq.

334. Archiepiscopi et episcopi titulares existentes in aliena diocesi debent præferri archiepiscopis consecratione junioribus, necnon aliis episcopali characteris senioribus, sed gradu archiepiscopali posterioribus; extra tamen ecclesiæ ambitum, intra quam ordinario privative quoad omnes archiepiscopos, et episcopos etiam seniores, præcedentia competit, *Sac. Rit. congreg. 8 Apr. 1656, in Ephesina.* Vide n. *ant. et 344.*

335. Capellanus curatus, ratione stolæ, in funeribus, debet præcedentiam habere super alios quoscunque sacerdotes simplici colta indutos, *Sac. Rit. congreg. 10 Junii 1656, in Maceraten*.

336. Missa solemnitas de Annuntiatione B. M. V. non potest celebrari, quando ejus festum incidit in Dominica Palmarum, *Sac. Rit. congreg. 10 Mart. 1657, in Placentina*. Etiam in ipsamet Ecclesia, seu ubi concursus populi ad celebrandum accedit, licet cantata Missa de die: quod decretum se extendit etiam ad totam majorem hebdomadam, et triduum Paschatis, *Rubr. Miss. de Transl. Fest. tit. 6.* Vide num. 1254. Hoc idem extenditur ad totam hebdomadam, in qua nequit solemniter decantari Missa de titulo ecclesiæ occurrente, ex *Rubrica tit. 6, de Transl. festorum*.

337. Baldachinum in ecclesiis, et locus in presbyterio non debetur domino loci, et admodum ordinarii, ne permittant hujusmodi usurpationem, et non licitam detentionem, S. R. C. 9 Junii 1657, in *Polimian*. Vide n. 561.

338. Potest archiepiscopus Granatensis, ex immemorabili consuetudine in processionibus solemnibus post se deferre sellam gestatoriam mediam, S. R. C. 10 Maii 1608, et etiam in Processione SS. Sacramenti, S. R. C. 15 Sept. 1657, in *Granatensi*.

339. Jus deferendi SS. Sacramentum et reliquias in processionibus spectat ad hebdomadarium Missarum solemnium peragendarum post processionem, vel ad illum, qui immediate ante processionem eadem peregerit, privative quoad reliquos, etiam dignitates, et seniores canonicos, tam absente, quam nolente episcopo prædicta munia subire, S. R. C. 26 Jan. 1658, in *Cajetana*. Circa SS. Sacramentum



423. Omnibus et singulis sacerdotibus, tam sæcularibus, quam regularibus cujusvis ordinis, etiam necessario exprimendi, directe præcipitur, ut Missas privatas pro defunctis, seu de *Requiem* in duplicibus nullatenus celebrare audeant, vel præsumant: quod si ex benefactorum præscripto Missæ hujusmodi celebrandæ incidant in festum duplex; tunc minime transferantur in aliam diem non impeditam, ne dilatio animabus suffragia expectantibus detrimento sit, sed dicantur de festo occurrenti, cum applicatione sacrificii, juxta mentem eorumdem benefactorum: curentque Ecclesiarum rectores, sacristæ, alique, ad quos spectat, ut hujusmodi decretum inviolate servetur, atque in sacristia affixum retineatur, ubi commode ab omnibus celebrare volentibus conspici et legi possit; in eos autem, qui contra facere ausi fuerint, vel præmissa adimplere neglexerint, locorum Ordinarii, tam sæculares, quam regulares, pro modo culpæ animadvertant, S. R. C. 5 Aug. 1662, in decreto generali, approbante Alex. VII, et 15 Sept. 1714, Clem. XI annuente 29 ejusdem. Alii dies, in quibus Missæ defunctorum præscribuntur, sunt in num. 75. An vero officium duplex respiciat prius ipsum celebrantem quoad privatam sui officii recitationem, vel potius Ecclesiam, in qua celebrat, vide n. 1262.

424. Laicos professos non debere præsumere præcedentiam a clericis suæ religionis eo quod hi sint professione posteriores, sed hi in omnibus, et quibuscumque actibus, tam publicis quam privatis, sunt præferendi, S. R. C. 19 Aug. 1662, in una ordinis ministrantium infirmis. Alex. VII die 6 Decembris ejusdem anni confirmante, in constit. quæ incipit: *Alias emanavit*.

425. Missa votiva de B. V. potest celebrari in die Dominico, ratione concursus populi, S. R. C. 20 Nov. 1662, in *Aretina*. Etiam causa voti, vel alia. Vide num. 450. Die Dominico: intellige non privilegiato, alisque festis non privilegiatis, et dummodo Dominica non incidat in festum duplex primæ vel secundæ classis, vel infra octavas privilegatas. Vide num. 264.

426. Anniversaria dies Dedicationis Ecclesiæ, dum episcopus in consecratione ejusdem non elegerit diem, sed consecravit ecclesiam die et mense, etc., debet celebrari in futurum die, quo hactenus in præteritum consuetum est celebrari, S. R. C. 20 Novemb. 1662, in *Albinganen*. Loquitur decretum de ecclesia, quæ primo erat consecrata, et nova indignit consecratione: puta, cum devastetur in majori parte, *Gloss. in cap. Proposuiti 4 verb. Reconciliari, circa medium, de Consecrat.*

427. In festo SS. Corporis Christi servanda est dispositio Cæremonialis episcoporum, lib. II, cap. 33, in reponendo SS. Sacramento, ubi nulla fit mentio de verbo *Dominus vobiscum*; non vero Rituale Romanum, ubi dicitur addi *Dominus vobiscum*, et sic servat in Urbe Summus Pontifex, et servatur ab omnibus, S. R. C. 16 Junii 1665, in *Granaten*. et 28 Sept. 1674, in *Salernitana*. Ideni servandum in repositione SS. Sacramenti pro quadraginta horis; *Ex Const. Clem. XII et aliorum Pontificum edita 1 Sept. 1756*, quæ incipit italiane: *Essendo state fatte, § 51*. Vide num. 281.

428. Crux parva cum imagine Crucifixi posita super tabernaculum, in quo asservatur SS. Sacramentum in altari, non est sufficiens in Missa, sed poni debet alia crux in medio candelaborum. S. R. C. 16 Junii 1665, in *Rossanen*: Crux parva: *In altaribus, quæ per ecclesias erecta sunt, et in quibus sacrum fieri consuevit, præter majorem tabulam, quæ vel depictam, vel incisam exhibet imaginem sancti, in cujus nomen et memoriam altare consecratum est, adjungi cæpit alia minor tabula, in qua vel coloribus exprimitur, vel ære, ligno aut*

*marmore inciditur effigies alterius sancti; ita ut crux auferatur, quæ juxta rubricas, inter candelabra collocari debet. Cum vero neminem lateat, rem divinam confici non posse, nisi crux cum imagine sanctissimi Crucifixi super altari constituatur, hinc minori tabulæ superadditur exiguus adeo Crucifixus, ut neque presbyteri celebrantis oculis facile occurrat, neque ab ullo alio distingui sermo possit, nisi hic diligenter perscrutetur, utrum super altari vera Crucifixi imago proposita fuerit. Equidem non improbamus, quod idem altare in plurimorum sanctorum nomen ac memoriam dedicetur, quodve in majori tabula aut unus tantum, aut plures etiam sancti pingantur, vel denique, quod alia minor tabula collocetur inferius, aut alio quocunque modo, ubi unus vel plures sancti fidelium venerationi proponantur. Illud permittere nullatenus possumus, quod Missæ sacrificium in his altaribus celebretur, quæ careant imagine Crucifixi, vel ipsa incommode statuatur ante presbyterum celebrantem, vel ita tenuis, et exigua sit, ut ipsius sacerdotis, et populi assistentis oculos penes effugiat. Benedictus XIV, const. 17, quæ incipit *Accepimus*, 16 Junii 1746 edita. Vide num. sqq.*

429. In altari, in quo adest magna statua sanctissimi Crucifixi, non est necesse ut ponatur alia crux dum celebratur Missa, S. R. C. 16 Jun. 1665, in *Rossanen*: Magna statua sanctissimi Crucifixi: ut sacerdos celebrans, ac populus sacrificio assistens eundem Crucifixum facile et commode intueri possint, *Ex const. Benedicti XIV 16 Julii 1746*, quæ incipit: *Accepimus*. Vide num. ant. et 1105.

430. Missa votiva cantata de B. M. V. cum *Gloria* et *Credo* potest celebrari die Dominico causa voti, vel alia causa, S. R. C. 16 Jun. 1665, in *Rossanen*. Vide n. 425, et adnotationem.

431. In consecratione episcoporum, solus episcopus consecrandus semper uti debet colore albo, consecrator vero et assistentes debent uti colore, qui temporari convenit, S. R. C. 16 Jun. 1665, in *Granaten*. Vide num. 1246. Idem ritus servari potest in sacris ordinationibus.

432. Missa solemnitas de S. Josepho, quando ejus festum incidit in feriam secundam, tertiam, aut quartam majoris hebdomadæ, non potest cantari, etiam ob concursum populi, sed debet omitti, nec potest in illis diebus fieri processio in ejus honorem, S. R. C. 4 Aug. 1665, in una *Urbis*. In feriam secundam, etc. Insuper et alii dies, de quibus vide num. 152.

433. Passio in Missis privatis legi debet a celebrante in cornu evangelii, S. R. C. 4 Aug. 1665, in una *Dalmatiarum*.

434. In primis Vesperis Dominicæ Passionis, non solum cruce et imagines Salvatoris, sed etiam icones altarium, et omnes imagines sanctorum legi debent, S. R. C. 4 Aug. 1665, in una *Dalmatiarum*: Cruces et imagines Salvatoris: non tantum in altari, sed etiam per ecclesiam, *Cærem. episcop. lib. II, cap. 20, num. 5*. Vide n. 310.

435. Hebdomadarius in decantandis in choro horis canonicis, et sua officia peragens non debet uti stola, S. R. C. 4 Aug. 1665, in una *Dalmatiarum*: Non debet uti stola: nisi in Vesperis diei defunctorum præsentem episcopo celebrante; tunc enim canonicus hebdomadarius pluviali nigro supra cotam erit indutus, aut saltem stola nigra, *Cærem. episcop. lib. II, cap. 10, num. 10*.

436. Cruces, quæ fiunt a sacerdote super oblata, non sunt faciendæ manu transversa, sed manu recta in transversa parte crucis, S. R. C. 14 Aug. 1665, in una *Dalmatiarum*.

437. Manus sacerdotis ad *Hanc igitur* debent ita extendi, ut palmae sint apertæ, pollice dextero super sinistrum in modum crucis super manus, non vero infra manus, S. R. C. 4 Aug. 1665, in una *Dalmatiarum*.

438. Pars inferior hostiæ præcidi debet, non autem superior, quando dicitur *Pax Domini sit semper vobiscum*, *Sacr. Rit. congr. 4 Aug. 1665, in una Dalmatiarum*.

439. Quando episcopus assistit Missæ solemnī, celebrans debet respondere episcopo: *Ad Deum, qui lætificat juventutem meam*, et alia usque ad *Indulgentiam* inclusive, non vero simul cum illo dicere: *In nomine Patris*, etc., S. R. C. 4 Augusti 1665, in una *Dalmatiarum*.

440. Quando episcopus assistit cum cappa Missæ solemnī, thurificandus est celebrans finito Evangelio, non vero episcopus, quia non est paratus pluviali, S. R. C. 4 Aug. 1665, in una *Dalmatiarum*.

441. In die Commemorationis omnium fidelium defunctorum, sacrificia possunt a sacerdotibus celebrantibus applicari ad libitum, scilicet vel pro omnibus fidelibus defunctis, vel pro aliquibus tantum; S. R. C. 4 Aug. 1665, in una *Dalmatiarum*, et 9 Decemb. 1701, in una ordinis Capuccinorum, et 2 Sept. 1741, in *Aquen*: Applicari ad libitum: Missa vero, tam solemnīs quam privata, recitatur in communi, excepta unica solemnī in die obitus. *Rub. Miss. prop. Vide num. 500*.

442. Canonici pluviali, planeta, dalmatica, vel tunicella parati, non debent deferre almutias; canonico vero defuncto induto planeta, seu dalmatica, vel tunicella, imponi potest almutia super brachium, S. R. C. 4 Aug. 1665, in una *Dalmatiarum*. Induto planeta, etc. Non alio habitu sive confraternitatum, sive religionum, sed cum sacris vestibus ordini convenientibus. Et non solum canonici, sed omnes de clero, præsertim sacerdotes, diaconi et subdiaconi. Clemens XI, 9 Dec. 1726, in constit. quæ incipit: *Avendo la Santità di Nostro Signore: et Rit. Rom. tit. De exsequiis*.

443. Canonici quando Missam celebrant, de rigore uti possunt annulo aureo, sed sine gemma, et sine aliqua effigie, S. R. C. 4 Aug. 1665, in una *Dalmatiarum*.

444. Canonici assistentes tenentur accipere birretum de manu episcopi cappa induti, et eidem reddere, non obstante alio decreto præcipiente per capellanum hujusmodi implenda esse, S. R. C. 4 Aug. 1665, in *Ragusina*: De manu, non de capite episcopi. Vide n. 175.

445. Archipresbytero Ecclesiæ tanquam archipresbytero, et in functionibus archipresbyteralibus, et ad se uti archipresbyterum spectantibus, non competit usus habitus protonotarii, S. R. C. 24 Maii 1664, in *Taurinen*: Non competit usus habitus protonotarii, nisi forte subtana violacea. Vide n. 149.

446. Protonotarius apostolicus prima dignitas alicujus cathedralis, non potest in habitu protonotarii sedere in choro in suo stallo, sed sedere debet, ut dicitur in libro Cæremoniali, *Sacr. Rit. congreg. 12 Jul. 1064, in Tridentina*: Ut dicitur in Cæremoniali: scilicet post abbates, si erit non participans, supra vero, si erit participans. *Cærem. episcop. lib. I, cap. 13, num. 15*. Vide num. 136 et 170.

447. Dedicatio basilicæ SS. Salvatoris extra aliam Urbem non habet integras secundas Vesperas, si concurrat cum sequenti Officio duplici minori, S. R. C. 12 Jul. 1664, in una *Ord. Min. de Observ.*

448. Recitandæ ex legitima concessione Officium SS. Corporis Christi in qualibet feria quinta per annum non impedita festo novem lectionum, illud persolvere debent, ut in die ejusdem solemnitatis: Missam vero debent celebrare quæ est votiva de SS. Sacramento, S. R. C. 12 Jul. 1664, in una *Ord. Min. de Observ.* Feria quinta non impedita: intellige etiam per officia translata. Vide num. 257. Ut in die ejusdem solemnitatis, exceptis *Alleluia* in Responsoriis et Antiphonis, extra tempus Pa-

schale non recitandis. Vide num. 1085: Missa: cum *Gloria in Excelsis*, et sine *Credo*. Vide num. 1273.

449. Cum S. Januarius fuerit declaratus a S. R. C. patronus principalis regni Neapolitani, hinc die festo dicti sancti debet in eodem regno fieri Officium sub ritu duplici cum octava, sed de S. Januario tantum, non vero de sociis ejusdem, quorum Officium transfertur ad primam diem non impeditam, S. R. C. 12 Jul. 1664, in *Monopolitana*: Sub ritu duplici: primæ classis, *Rub. Brev. de Patrono*, et S. R. C. num. 25.

450. Secundæ Vesperæ de die octava non privilegiata concurrentes cum primis Vesperis festi duplicis, debent dimidiari et fieri a capitulo de festo sequenti, S. R. C. 12 Jul. 1664, in una *Ord. Min. de Observ.*: Debent dimidiari. Procedit hic quoque in octava Dedicationis Ecclesiæ; fallit autem in octavis B. Mariæ Virginis, et in Vesperis festi SS. Angelorum et Apostolorum. Vide num. 447, 525 et 652.

451. Lectiones primi Nocturni in Officio de festo duplici majori, sumendæ sunt ex ejus communi, si ex concessione non habeantur propriæ, S. R. C. 12 Jul. 1664, in una *Ord. Min. de Observ.*

452. In Missis de Beatis, quæ sub ritu duplici majori celebrantur, non debet dici *Credo*, S. R. C. 12 Jul. in *Romana Ord. Min. S. Frac. de Observ.*: In Missis de Beatis, nisi essent patroni loci ex auctoritate Sedis Apostolicæ. Vide num. 1512. Quid vero in Missis de sanctis? Vide num. 1191.

453. Missæ celebratio in ecclesia (seu oratorio) sita in territorio extra mœnia alicujus oppidi, non potest prohiberi, antequam celebretur in ecclesia parochiali et matrice, non obstante decreto episcopi in synodo diocesana, aut quocunque alio, etiam in erectione Ecclesiæ edito, celebrationem hujusmodi prohibente, S. R. C. 30 Aug. 1664, in *Camerinensi*, et 24 Jan. 1665, in *Nucerina*. Hoc decretum non habet amplius locum in illis ecclesiis, quæ parochiali sunt proximæ, ut supra jam notatum fuit. Vide n. 254 et 286.

454. Dignior sacerdos, ad quem spectat candelam, cineres, et palmam sacerdoti celebranti in die Purificationis, in feria quarta Cinerum et in Dominica Palmarum ministrare, debet ab eodem celebrante supradicta accipere stans, non vero flexis genibus, S. R. C. 30 Aug. 1664, in *Sutrina*: Dignior sacerdos: intellige canonicum, secus debet genuflectere, juxta Cæremoniale episcop. Vide num. 811.

455. Anniversaria et Missæ cantatæ de *Requiem* relictae ex dispositione testatorum quotannis in die ipsorum obitus, etiam in duplici majori contingentes possunt celebrari, et proinde in decreto, die 5 Augusti 1662, edito, non comprehenduntur, S. R. C. 22 Novemb. 1664, in *Novarien*. approbante Alex. VII, in ejus Bullario const. 176, quæ incipit *Credite nobis, anno 1667 edita*: In die ipsorum obitus: nunc autem extenduntur extra obitum. Vide num. 1279, seqq.: In duplici majori, nisi esset de præcepto. Vide num. 19. Intelligendum tamen hoc decretum de unica Missa de *Requiem* cantata, non vero de missis privatis.

456. Cum ex privilegio apostolico religio Servorum B. M. V. possit, et valeat recitare Officium Sanctissimi Sacramenti qualibet feria quinta, et illud beatae Virginis qualibet die Sabbati sub ritu semiduplici, dummodo dicti dies non sint impediti Officio ix lectionum, et exceptis Adventu, Quadragesima et Vigiliis: et cum multoties eveniat, quod sit remittendum Officium alterius sancti, aliis de causis translatum: ideo rector, et Patres Montis Senarii in Etruria ejusdem Ordinis, ad tollenda multorum dubia supplicarunt sacram Rituum con-